

te offerhande opten altuer des cruces om
ons arme sunders **E**n du gheueste din
bleysch ons toe eten en din bloet toe
drincken **E**n settest dit hellighe sacri
ment in die crucht des hellighe gheestes
ende gheueste ons din ghebenedide sa
crament toe een ghehoethnisse dijner
martelien wat du sprekest toe dijne
iongheren **A**lsoe vake als ghy dit doet
soe soele ghyt doen in mijne ghedach
tenisse **I**ck bidde dy doer din hellighe
bloet daer al onse salicheit an lecht **I**ck
bidde dy oeck om die wonderlike myn
ne daer du ons allen soe seer mede my
nedest dattu ons wasschen woldest va
onsen sunden in dijnen dueren bloede
Dattu my arme sondighe mensche al
soe langhe in sunden alsoe vaderlike
verdraghē heffte. niet om mijn ver
dienst meer om din grote barmhertic
heit **I**ck bidde dy oeck dattu my leven
wilste myt die gauen des hellighen